



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu Kazu

Tribunál Distritál Suai

Periodu Setembru 2016

A. Sumáriu prosesu julgamentu kazu iha Tribunál Distritál Suai

1. Totál kazu ne'ebé JSMP monitoriza : 27

Tipu kazu	Númeru
Artigu 145 Kódigu Penál (KP) no aritgu 35 Lei Kontra Violénsia Doméstika (LKVD) - Ofensa integridade física simples ho natureza violénsia doméstica	6
Artigu 172 KP - Violasaun seksuál	2
Artigu 177 KP - Abuzu seksuál ba menór	1
Artigu 177 & 182 KP - Abuzu seksuál ba menor no agravasaun	1
Artigu 171 KP - Koasaun seksuál	1
Artigu 171 & 173 KP - Koasaun seksuál no agravasaun	1
Artigu 225 KP - Lahalo tuir obrigasaun alimentár	2
Artigu 304 KP - Falsifikasi saun agravada	1
Artigu 146 KP - Ofensa integridade física grave	2
Artigu 145 KP - Ofensa integridade física simples	4
Artigu 157 (KP) - Ameasa	4
Artigu 256 (KP) - Abuza konfiansa	1
Artigu 258 (KP) - Danu simples	1

2. Totál desizaun ne'ebé JSMP monitoriza : 11

Tipu desizaun	Númeru
Pena prizaun (artigu 66) KP no indemnizasaun sivil	1
Suspensaun ba prizaun nia ezekusaun (artigu 68) KP	2
Multa (artigu 67) KP	1
Omologu dezifténsia keixa	5
Admoestasaun	1
Absolve	1
Totál	11

Total kazu sira ne'ebé adia tuir JSMP nia monitorizasaun : 6

Razaun adiamantu	Númeru
La notifika arguidu	3
La notifika arguidu no lezada	3
Totál	6

4. Totál kazu sira ne'ebé sei kontinua tuir JSMP nia monitorizasaun : 10

B. Deskripsiun sumáriu ba desizaun kazu sira

1. Krime abuzu seksuál ba menór*

Nú. Prosesu : 215/PEN/16/TDS

* Favor lee Komunikadu Imprensa iha JSMP nia website:http://jsmp.tl/wp-content/uploads/2016/01/PRpena-prizaun-tinan-12_kazu-insestuTDSuai_TETUM1.pdf

Kompozisaun Tribunál	: Koletivu
Juis	: Dr.ConstâncioBasmery, Dr.Samuel da C. Pacheco,no
	Dr.Nasson Sarmento
Ministériu Públiku	: Dr. Bartolomeu de Araujo
Defeza	: Dr.Fransisco Qaitano Martins
Tipu desizaun	: Pena prizaun tinan 12 no indemnizasaun sivíl US\$5,000.00

Iha 20 Setembru 2016,Tribunál Distritál Suai prezide leitura akordaun ba krime abuzu seksuál ba menór ne'ebéenvolve arguiduAD hasoru lezada AdJ, iha Distritu Covalima.

Ministériu Públiku akuza katak maizumenus iha tinan 2002, arguidu bolu lezada (lezada nu'udar arguidu nia-oan hakiak) ba iha kuartu laran no obriga halo relasaun seksuál hasoru lezada no momentu ne'ebá lezada foin mak halo tinan 13.

Tuir mai, maizumenus iha tinan 2010, arguidu kontinua obriga lezada halo relasaun seksuál dala 3 no lezada partus oan dahuluk. Iha tinan 2013, arguidu ho forsa obriga no halo relasaun seksuál ho lezada no lezada isin-rua no partus tan oan daruak. Iha 2015, arguidu kontinua komete krime hanesan hasoru lezada nune'e lezada partus tan nia oan datoluk. Iha kada akontesementu ne'e, arguidu ameasa lezada atu la bele hateten sai bá ema seluk. Tanba ne'e, lezada halai ba iha nia tiu no hateten sai saida mak akontese ba nia no ba hato'o keixa ba polisia.

Ministériu Públiku akuza arguidu kontra artigu 172 KP kona-ba violasaunho moldura penál tinan 5 to'o tinan 15 no kontra artigu 35 KP kona-ba krime iha konkursu.

Iha prosesu julgamentu arguidu nega faktu sira iha akuzasaun no deklara katak nia nunka halo relasaun seksuál ho lezada no nia kiuk (labele fó oan ba ema) ka laprodutivu. Entretantu, lezada deklara katak arguidu ameasa dala barak no obriga lezada halo relasaun seksuál to'o lezada partus oan na'in 3 (tolu).

Testemuña nu'udar lezada nia-inan depoimentu katak nia hatene lezada isin rua no partus dala tolu ona, maibé testemuña lahatene katak arguidu mak fó oan bá lezada. Testemuña hatutan katak lezada nunka fo hatene sai se mak komete krime ka halo nia isin-rua, tanba arguidu ameasa lezada atu labele fó sai bá ema seluk. Testemuña foin deskobre kazu ne'e wainhira mai iha Tribunál no lezada deklara katak kondenadu mak komete krime ne'e bá lezada.

Iha alegasaun finál, Ministériu Públiku husu ba Tribunál atu halo alterasaun jurídiku hosi artigu 172 KP ba fali iha artigu 177 alineia (a) no artigu 41 KP kona-a krime kontinuadu tanba lezada sei iha idade menoridade no akontesimentu ne'e liu dala ida. Depoisde pedidu alterasaun ne'e, Ministériu Públiku husu ba Tribunál atu kondena arguidu ho pena prizaun tinan 10. Entretantu, defeza husu ba Tribunál atu tetu didiak faktus hotu no aplika pena ne'ebe justu no adekuada ba arguidu.

Depoisde produsaun bá prova, Tribunál halo alterasaun jurídiku husi artigu 172 KP bá iha artigu 177 (1) KP kona-ba abuzu seksuál bá menór tanba lezada foin idade tinan 13 ho moldural penál tinan 5 to'o tinan 20 no kontra artigu 41 kona-ba krime kontinuadu no konjuga ho artigu 35 (b) Lei Kontra Violénsia Doméstika tanba lezada nu'udar arguidu nia oan hakiak.

Depois avalia faktus hotu, Tribunál prova katak arguidu komete duni krime tuir faktu sira husi akuzasaun Ministériu Públiku. Tribunál prova bazeia ba deklaraasaun husi lezada, reforsa husi depoimentu testemuña nu'udar lezada nia-inan no relatório médico hosi Ospitál Referal Suai hatudu katak arguidu nia kondisaun saúde produtivu di'ak hela no la-sofre buat rumahanesan kiuk (*mandul*).

Bazeia ba faktus provadu ne'e, Tribunál konkui no kondena arguidu ho pena prizaun tinan 12 no selu indemnizasaun sivíl ba lezada hamutuk US\$5,000.00. Tribunál mós kondena arguidu selu kustu judisiál US\$50.00.

2. Krime ofensa ba integridade fízika simples

Nú. Prosesu	: 64/Pen/16/TDS
Kompozisaun Tribunál	: Singulár
Juis	: Dr. Constancio Barros Basmery
Ministériu Públiku	: Dr. Bartolomeu de Araujo
Defeza	: Dr. Angelo Barreto (advogadu privadu estajiáriu)
Tipu desizaun	: Omologadezisténsia keixa

Iha 21 Setembru 2016, Tribunál Distritál Suai prezide leitura sentensa ba krime ofensa ba integridade fízika simples ne'ebé envolve arguidu YM hasoru lezadu JMA, iha Distritu Covalima.

Ministériu Públiku akuza arguidu kontra artigu 145 KP kona-ba ofensa ba integridade fízika simples ne'ebé ho moldura penál to'o tinan 3 ka multa.

Iha prosesu konsiliaisaun ne'e, lezadu deklara katak tanba arguidu husu diskulpa ona ba lezadu no arrepende ona ninia hahalok nune'e nia hakarak deziste nia keixa hasoru arguidu.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu ba Tribunál atu omologa prosesu refere.

Bazeia ba pedidu dezisténsia hosi lezadu no akordu hosi parte sira ne'e, Tribunál konkui prosesu ne'e no omologa dezisténsia keixa refere.

3. Krime ameasa

Nú. Prosesu	: 218/PEN/15/TDS
Kompozisaun : Tribunál	:Singulár

Juis	: Dr.Nasson Sarmento
Ministériu Públiku	: Dr. Bartolomeu de Araujo
Defeza	: Dr.Gaspar Fereira Gusmão (advogadu privadu)
Tipu desizaun	: Absolve

Iha 22 Setembru 2016, Tribunál Distritál Suai prezide leitura sentensa ba krime ameasa ne'ebé envolve arguidu PM hasoru lezada ADR, iha Distritu Covalima.

Ministériu Públiku akuza katak iha 13 Dezembru 2015, iha dader arguidu fila husi joga karta, hare lezada no sira nia oan na'in 4 laiha uma. Arguidu telefone ba lezada no ameasa atu oho lezada wainhira la lori labarik sira fila mai uma.

Ministériu Públiku akuza arguidu kontra artigu 157 KP kona-ba ameasa ho moldura penál to'o tinan 2 ka multa.

Iha prosesu julgamentu, arguidu nega faktus husi akuzasaun Ministériu Públiku nian. Entretantu lezada konfirma no kontinua reforsa faktus husi akuzasaun Ministériu Públiku no deklara katak nia la senti tauk ona wainhira arguidu ba koalia didiak fali ho lezada iha estasaun polísia wainhira lezada ba hato'o keixa.

Testemuña AM nu'udar membru polísia depoimentu katak lezada ba hato'o keixa iha estasaun polísia no arguidu mós ba iha ne'ebá no koalia didiak ho lezada.

Iha alegasaun finál, Ministériu Públiku husu ba Tribunál atu absolve arguidu hosi prosesu ne'e tanba la prense rekezitus ba krime ameasa. Nune'e mós defeza konkorda ho alegasaun finál hosi Ministériu Públiku.

Depoisde avalia faktus hotu ne'ebé prodús durante julgamentu, Tribunál konklui no absolve arguidu husi akuzasaun Ministériu Públiku tanba arguidu la prenxe rekizitus ba krime ameasa.

4. Krime ameasa

Nú. Prosesu	: 236/Pen/16/TDS
Kompozisaun Tribunál	: Singulár
Juis	: Dra. Florensia Freitas
Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Omologadezisténsia keixa

Iha 28 Setembru 2016, Tribunál Distritál Suai liuhusi Tribunál Movel prezide prosesu julgamentu tentativa konsiliaisaun ba krime ameasa ne'ebé envolve arguida AP hasoru lezada RUM, iha Distritu Bobonaro.

Ministériu Públiku akuza arguidu kontra artigu 157 kona-ba krime ameasa ne'ebé ho moldura penál to'o tinan 2 ka multa.

Iha prosesu konsiliaсаun ne'e, lezada deklara katak nia hakarak deziste fali keixa hasoru arguida tanba arguida arrepende ona ba ninia hahalok no husu ona diskulpa ba lezada.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu ba Tribunál atu omologa prosesu refere.

Bazeia ba pedidu dezisténsia hosi lezadu no akordu hosi parte sira ne'e, Tribunál konklui prosesu ne'e no omologa dezisténsia keixa refere.

5. Krime ameasa

Nú. Prosesu	: 288/Pen/16/TDS
Kompozisaun Tribunál	: Singulár
Juis	: Dra. Florenсia Freitas
Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Omologadezisténsia keixa

Iha 28 Setembru 2016, Tribunál Distritál Suai liuhusi Tribunál Movel prezide prosesu julgamentu tentativa konsiliaсаun ba krime ameasa ne'ebé envolve arguidu BPA hasoru nia eis-feen, iha Distritu Bobonaro.

Ministériu Públiku akuza arguidu kontra artigu 157 KP kona-ba ameasa ne'ebé ho moldura penál to'o tinan 2 ka multa.

Iha prosesu konsiliaсаun ne'e, lezada deklara katak nia hakarak deziste nia keixa hasoru arguidu maibé husu ba arguidu atu fó osan US\$200.00 basira nia oan ne'ebé kleur ona arguidu la tau matan. Arguidu mós konkorda ho pedidu dezisténsia ne'e no prontu atu fó osan tuir montante ne'ebélezada husu.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu ba Tribunál atu omologa prosesu refere.

Bazeia ba pedidu dezisténsia hosi lezadu no akordu hosi parte sira ne'e, Tribunál konklui prosesu ne'e no omologa dezisténsia keixa refere.

6. Krime ofensa ba integridade fízika simples ho natureza violénsia doméstika

Nú. Prosesu	: 262/PEN/16/TDS
Kompozisaun Tribunál	: Singulár
Juis	: Dra. Florenсia Freitas

Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Pena prizaun fulan 6 suspende ba tinan 1

Iha 29 Setembru 2016, Tribunál Distritál Suai liuhusi Tribunál Movél iha Bobonaro prezide leitura sentensa ba krime ofensa ba integridade física simples ho natureza violénsia doméstika ne'ebé envolve arguidu AdC hasoru nia feen, iha Distritu Bobonaro.

Ministériu Públiku akuza katak, iha 31 Jullu 2015, tuku 20:30 kalan, arguidu fila ba uma ho kondisaun lanu, buti lezada nia kakorok, riba lezada ba rai nosama lezada nia liman fuan parte karuk. Aktus ne'e rezulta lezada sofre moras iha nia isin lolon, kakorok no liman fuan parte karuk.

Ministériu Públiku akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no 35 letra (b) LKVD.

Iha prosesu julgamentu, arguidu konfesa totalmente ba faktus iha akuzasaun Ministériu Públiku no deklara katak iha momentu ne'ebá nia lanu nune'e la kontrola nia-an. Aleinde ne'e, lezada kontinua reforsa akuzasaun Ministériu Públiku nian.

Iha alegasaun finál, Ministériu Públiku husu ba Tribunál atu kondena arguidu ho pena prizaun fulan 6 suspende ba tinan 1 atu prevene arguidu repete ninia hahalok hanesan iha futuru. Enkuantu, Defeza husu ba Tribunál atu aplika pena ne'ebé justu no adekuadu ba arguidu.

Depoisde avalia faktus sira durante julgamentu, Tribunál prova katak arguidu komete krime tuir faktus husi akuzasaun Ministériu Públiku. Bazeia ba faktus provadu hirak ne'e, Tribunál konklui no kondena arguidu ho pena prizaun fulan 6 suspende ba tinan 1.

7. Krime ofensa ba integridade física simples ho natureza violénsia doméstika

Nú. Prosesu	: 77/PEN/16/TDS
Kompozisaun Tribunál	: Singulár
Juis	: Dra. Florensa Freitas
Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Pena prizaun fulan 6 suspende ba tinan 1

Iha 29 Setembru 2016, Tribunál Distritál Suai liuhusi Tribunál Movél iha Distritu Bobonaro prezide leitura sentesa ba krime ofensa ba integridade física simples ho natureza violénsia doméstika ne'ebé envolve arguidu MdS hasoru nia feen, iha Distritu Bobonaro.

Ministériu Públiku akuza katak, iha 07 Dezembru 2015, tuku 19:00 kalan, arguidu no lezada diskute malu nune'e arguidu foti *aquase* mamuk ida tuda kona iha lezada nia kanotak, tuku no buti dala 1 iha lezada ninia kakorok. Aktus ne'e rezulta lezada sofre moras iha kanotak no iha kakorok.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no 35 letra (b) LKVD.

Iha prosesu julgamentu, arguidu konfesa totalmente ba faktus sira iha akuzasaun Ministériu Públiku no deklara katak nia arrependeona ba ninia hahalok no promote sei la repete iha futuru. Aleinde ne'e, lezada kontinua reforsa faktus husi akuzasaun Ministériu Públiku nian.

Iha alegasaun finál, Ministériu Públiku husu ba Tribunál atu kondena arguidu ho pena prizaun fulan 6 suspende ba tinan 1 nu'udar prevensaun ida atu la akontese tan krime hanesan iha futuru. Entretantu Defeza husu ba Tribunál atu aplika pena ne'ebé justu no adekuadu ba arguidu.

Tribunál prova katak arguidu komete duni krime tuir faktus hosi akuzasaun Ministériu Públiku nian. Bazeia ba faktus provadu ne'e, Tribunálkonklui prosesu kazu ne'e no kondena arguidu ho pena prizaun fulan 6 suspende ba tinan 1.

8. Krime ofensa ba integridade fízika simples ho natureza violénsia doméstika

Nú. Prosesu	: 267/PEN/15/TDS
Kompozisaun Tribunál	: Singulár
Juis	: Dr. Álvaro Maria Freitas
Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Pena multa US\$500.00

Iha 29 Setembru 2016, Tribunál Distritál Suai liuhusi Tribunál Movél iha Distritu Bobonaro prezide leitura sentesa ba krime ofensa ba integridade fízika simples ho natureza violénsia doméstika ne'ebé envolve arguidu SdS hasoru nia feen, iha Distritu Bobonaro.

Ministériu Públiku akuza katak, 06 Setembru 2015, tuku 08:30 dader, arguidu no lezada diskute malu ho nune'e arguidu tuku dala 1 iha lezada nia matan fukun no hirus matan. Arguidu mós basa no rakut dala 1 iha lezada nia hasan parte karuk. Aktus ne'e rezulta lezada sofre mean iha matan fukun, kanek iha hasan no iha hirus matan.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no 35 letra (b) LKVD.

Iha prosesu julgamentu, arguidu konfesa integralmente ba faktus iha akuzasaun Ministériu Públiku no deklara katak nia arrepende ona ba ninia hahalok no promote sei la repete hahalok

hanesaniha futuru. Aleinde ne'e, lezada kontinua reforsa faktus husi akuzasaun Ministériu Públiku.

Iha alegasaun finál, Ministériu Públiku husu ba Tribunál atu kondena arguidu ho pena prizaun tinan 1 suspende ba tinan 2 nu'udar prevensaun ida ba arguidu atu la repete ninja hahalok iha futuru. Enkuantu, Defeza husu ba Tribunál atu aplika pena ne'ebé justu no adekuadu ba arguidu.

Depoisde avalia faktu sira durante julgamento, Tribunál prova katak arguidu komete duni krimehanesan haktuir iha akuzasaun Ministeriu Publiku. Tribunál kondena arguidu ho pena multa US\$500.00. Tribunál husu pena refere tanba arguidu ihaabilidade finanseiru. Depoisde prosesu ne'e remata, arguidu direitamente selu osan refere ba Tribunál. Aleinde ne'e, Tribunál mós aplika kustu judisiál US\$35.

9. Krime ofensa ba integridade fízika simples ho natureza violénsia doméstika

Nú. Prosesu	: 143/PEN/16/TDS
Kompozisaun Tribunál	: Singulár
Juís	: Dr. Álvaro Maria Freitas
Ministériu Públiku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Pena admoestasaun

Iha 29 Setembru 2016, Tribunál Distritál Suai liuhusi Tribunál Movél iha Bobonaro prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguida RLM hasoru nia laen, iha Distritu Bobonaro.

Ministériu Públiku akuza katak, iha 03 Dezembru 2015, tuku 10:00 dader, lezaduno arguida diskute malu, nune'e arguida foti fatuk tuda dala 1 kona iha lezadu nia kotuk laran, foti karau teen tuda dala 2 iha lezada nia kotuk laran. Aktus ne'e, rezulta lezada nia kotuk laran sofre kanek.

Ministériu Públiku akuza arguida kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no 35 letra (b) LKVD.

Iha prosesu julgamento, arguida konfesa integralmente ba faktu hotu husi akuzasaun Ministériu Públiku no deklara kataknia arrepende ona ba ninja hahalok no promete sei la repete tan ninja hahalok hanesaniha futuru. Aleinde ne'e, lezadu kontinua reforsa faktus husi akuzasaun Ministériu Públiku nian.

Iha alegasaun finál, Ministériu Públiku husu ba Tribunál atu kondena arguida ho pena prizaun fulan 3 suspende ba tinan 1 atu nune'e arguida la repete ninja hahalok hanesan iha futuru. Iha parte seluk, Defeza husu ba Tribunál atu aplika pena ne'ebé justu no adekuadu ba arguida.

Depoisde avalia faktus sira, Tribunál prova katak arguida komete duni krime hasoru lezadu no bazeiaba provas hirak ne'e, Tribunál kondena arguida ho pena admoestasaun.

10. Krimedanu simples

Nú. Prosesu	: 86/Pen/16/TDS
Kompozisaun Tribunál	: Singulár
Juis	: Dr. Âlvaro Maria Freitas
Ministériu Pùbliku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Omologadezisténsia keixa

Iha 29 Setembru 2016, Tribunál Distritál Suai liuhusi Tribunál Movél iha Bobonaro prezide prosesu julgamentu tentative konsiliaсаun ba krime danu simples ne'ebé envolve arguidu TdR hasoru lezadu AS, iha Distritu Bobonaro.

Ministériu Pùbliku akuza arguidu kontra artigu 258 KP kona-ba danu simples ho moldura penál to'o tinan 3 ka multa.

Iha prosesu konsiliaсаun ne'e, lezadu ho konsensia rasik deklara katak nia hakarak deziste fali nia keixa hasoru arguidu maibé arguidu tenki selu fila fali nia osan US\$100.00 ne'ebé uza ona hodi hadia motor ne'ebé arguidu estraga. Arguidu mós konkorda ho lezadu ninia pedidu no prontu atu selu fila fali osan tuir montante ne'ebé lezadu husu.

Iha alegasaun finál, Ministériu Pùbliku no Defeza konkorda ho parte rua nia akordu-dame ne'e, no husu Tribunál atu omologa akordu ne'e.

Bazeia ba pedidu dezisténsia hosi lezadu no akordu hosi parte sira, Tribunál konklui prosesu ne'e no omologa dezisténsia keixa ne'e.

11. Krimeofensa ba integridade fízika simples

Nú. Prosesu	: 64/Pen/16/TDS
Kompozisaun Tribunál	: Singulár
Juis	: Dra.Florensa Freitas
Ministériu Pùbliku	: Dr. João Martins
Defeza	: Dr. Angelo Barreto (advogadu privadu estajiáriu)
Tipu desizaun	: Omologadezisténsia keixa

Iha 30 Setembru 2016, Tribunál Distritál Suai liuhusi Tribunál Movel prezide prosesu julgamentu tentativakonsiliaсаun ba krime ofensa ba integridade fízika simples ne'ebé envolve arguidu MB hasoru lezadu QLB, iha Distritu Bobonaro.

Ministériu Públiku akuza arguidu kontra artigu 145 kona-ba ofensa ba integridade física simples ne'ebé ho moldura penál to'o tinan 3 ka multa.

Iha prosesu konsiliaсаun ne'e, lezadu deklara katak nia hakarak deziste nia keixa hasoru arguidu maibé lezadu husu atu arguidu fó sala bibi ida ba lezadu. Arguidu mós konkorda ho pedidu dezisténsia ne'e.

Iha alegasaun finál, Ministériu Públiku no Defeza konkorda ho parte rua nia akordu dame ne'e, no husu ba Tribunál atu omologa prosesu refere.

Bazeia ba pedidu dezisténsia hosi lezadu no akordu hosi parte sira ne'e, Tribunál konklui prosesu ne'e no omologa dezisténsia keixa refere.

Atu hetan informasaun kompleitu, favor kontaktu:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org